

【邪惡迪士尼系列】《白雪公主 與七個毒撚》

作者: 趕故書生

Powered by [紙言](#)

第一章

係好耐好耐以前，一個繁華嘅國家入面，皇后係一個寒冷嘅冬天中，誕下一個女孩。

佢哋住係一間豪華嘅城堡入面，享受住最高貴、奢華嘅物質生活。

城堡金碧輝煌，城堡旁邊嘅古董擺設全部都價值連城。大至古董，細至餐具酒杯，都係經過千挑萬選。城堡入面仲有百幾個傭人去服侍佢哋，係誇張到，就算每個人去服侍國王，係會有一堆人連腳趾都奶唔到。

所以，女孩係含住金鎖匙出世。

唔知係咪因為冬天出生嘅關係，個女仔皮膚如雪般白皙；嘴唇好似天生塗上口紅咁，好紅；頭髮好似天生用咗飄柔咁，十分柔順，而且烏黑亮麗。

簡單啲嚟講，姐係天生麗質，一出世就以傲人嘅姿勢示眾。

女孩一出世，就已經加入咗人生勝利組。

國王與皇后以為嗰個女孩係上天俾佢哋嘅恩賜，過後會過住美滿幸福嘅生活。

誰不知女孩出世無幾耐，皇后就重病過咗身。

國王因為皇后嘅過世，終日愁眉苦臉，鬱鬱不得志。

事情過咗一排，國王開始走出陰影，開始明白單身嘅好，單身嘅自由。

其實唔需要怕寂寞，無人陪，身為一國之主，點會愁無人相陪？

於是每日都風花雪月，花天酒地，係嗰個酒池肉林嘅世界入面，國王反而好享受，而照顧女兒嘅責任，自然落在傭人身上。

係嗰種吃吃樂樂嘅生活入面，國王不曾抱著真心，每個女人都只不過係國王消遣嘅玩具。

希望藉著尋歡作樂去忘記過咗世嘅皇后。

而係咁多個女人入面，唯獨陳紅得到國王嘅青睞，而陳紅亦熟知男人心，討得國王甚是歡喜。

後來陳紅便成為女孩嘅繼母，而國王的生活仍舊風流快活，嗰一切陳紅都無放在心內，佢想要嘅，就係依家嗰個生活。

一個貴婦般嘅奢華生活。

一開始，陳紅對於嗰個可人兒都疼愛有加，因為覺得佢好可愛好得意。

個心態就好似去玩人咁個細路咁，又唔係自己生，人又得意，得閒無事就去撚下佢，感覺幾爽。

照顧又唔洗自己照顧，有傭人架嘛係咪？

得閒就買啲嘢俾佢，氹下佢開心。

最緊要嘅係，個女仔又唔係陳紅親生嘅，又無經歷過十月懷胎之苦。

陳紅因機緣巧合下，得到一塊魔鏡。

陳紅時常去問魔塊：「魔境魔境，嗰個世界上邊個最靚呀？」

魔境望一望身材已經走曬樣嘅陳紅，水桶腰，大象腿，唔明點解國王會娶佢返嚟。

以前身材婀娜多姿，樣子甜美嘅陳紅，年輕嘅時候真係一朵美豔嘅鮮花。

花，總有凋零嘅時候。

「梗係你最靚啦，身材又正，樣又靚，雖然有些少年紀，但歲月都偷唔走你嘅美麗。」

哇講得幾鬼好聽，幾鬼動人呀？

喱一番鬼話連篇，明眼人一聽就知係假，但偏偏陳紅好鐘意聽。

最緊要嘅係，魔境入面嘅陳紅，映出嚟係一個年輕貌美，身材姣好嘅陳紅。

其實一切都係魔境製造出嚟嘅幻覺，佢知道講真話後果會點。

就係俾人拋棄，無人理，係一片荒蕪嘅地方享受著虛無嘅寂寞。

魔境上一手主人，就係因為魔境嘅直話直說，得罪主人，因而落得如斯下場。

魔境依家學乖咗，執生成為咗佢生存嘅秘訣。

但陳紅因為咁樣成日都心花怒放，所以佢好鐘意塊魔境，覺得佢係寶。

國王之所以會再娶陳紅，係因為佢有幾分似佢過身嘅皇后。

皇后嘅身材都一樣走曬樣，青春不再，但國王無介意，一直一直咁深愛住佢。

靚唔靚，從來都唔係深愛一個人嘅理由。

影子會跟人一世，國王內心嘅陰影從未消失過，只係佢自己唔清楚咁解。

個女仔一日一日咁大，慢慢大家因為佢皮膚嘅關係，都叫佢做白雪公主。

白雪公主萬千寵愛在一身，繼母同國王都會將最好嘅嘢留俾白雪公主，城堡裡嘅傭人更是對白雪公主唯命是從。

白雪公主因而由細到大都持寵生嬌，公主嘅脾氣漸漸係城堡入面顯露出嚟。

例如食晚飯嘅時候，只要唔啱白雪公主口味，就發曬脾氣。

有一次，全部人係餐枱上如平常地用餐。

白雪公主忽然停下動作，道：「我想食泡菜！」

國王準備放入口嘅牛排都停咗落嚟，所有人嘅視線都放咗落白雪公主身上，然後面面相覷，唔知點算好。

咁又係嘅，又邊個會估到公主會食食下牛排想食泡菜先得架？

身邊反應快嘅女傭即刻走過嚟同白雪公主解釋，「公主，依家無泡菜呀，聽日立即為你準備，好嗎？」

「唔要！我要依家食泡菜！」佢扭曬計咁，啲脾氣出曬嚟。

「唔好咁啦公主，我哋好難做架……」

正當女傭們唔知點做好嘅時候，國王就下命令：「入去叫廚房整啦，梁伯識做架啦。」

女傭們你眼望我眼，「係！」

最後係白雪公主如願咁食到泡菜，一臉幸福嘅樣子，風波亦就咁平息。

第二章

陳紅每日一起身嘅習慣，就係行去魔境面前。

「魔境呀魔境，嗰個世界上面，邊個最靚呀？」

陳紅笑得好燦爛，佢最期待就係魔境讚佢靚，然後佢先有開心嘅心情去過每一日。

只不過換咗個方法姐，平時女人會將同一個問題拋去男人度，依家只係變咗塊境姐。

魔境知道一直咁樣稱讚陳紅，遲早一日都會穿煲，試問有咩人會40幾歲好似10幾歲咁？！

魔境知道白雪公主年輕，又靚，所以將計就計。

「本來係你最靚嘅.....」

「本來？」陳紅漸漸露出不悅之色。

「經過上次白雪公主出巡之後，人哋見識過白雪公主嘅美貌，依家佢慢慢超越緊主人你啦。」

魔境入面本來係陳紅美麗嘅倒影，變成白雪公主巡邏嘅畫面，佢坐係馬車上面，清麗脫俗。

陳紅雙手開始握實，變成一個掌頭。

佢暗暗下了一個決定：白雪公主唔可以再出現係哩度！

魔境心諗：女人嘅妒忌心真係好重。

就算係姊妹，都會暗地裡互相比較，各何況白雪公主同埋陳紅只係繼母關係，而唔係親生母女？

魔境冷冷的一笑，佢嘅目的已經達到了。

陳紅成日係度左思右想，究竟點樣可以令白雪公主消失係嗰個世界上呢？

仲要消失得好自然.....唔係，係意外！

「咁樣我又可以扮到好傷心咁，搏國王嘅同情，同時白雪公主又消失咗，哇！真係一舉兩得呀。」陳紅一邊竊笑，一邊自言自語。

陳紅策劃緊嗰個大計，一陣興奮嘅血液係陳紅身體裡面流動著。

「白雪。」陳紅食飯嘅時候輕輕叫了白雪公主一聲。

「嗯？」

「聽日媽咪同你去野餐好無呀？」陳紅柔聲道，一副慈母嘅模樣。

白雪思索一陣，覺得幾好呀，優雅，又乎合公主嘅個身份。

其他一見到，一定好羨慕我嘅種寫意嘅生活哈哈！

「好呀好呀！」白雪公主覺得幾唔錯，甚至有點期待。

白雪公主並唔知道，接落嚟係一連串嘅黑暗日子等緊佢.....

陳紅邪邪一笑，佢身邊嘅人都睇唔出佢心入面盤算緊嘅計劃。

國王由一開始就默默地吃飯，好似無感覺咁。

冷漠到叫人感到恐怖，其他人都唔敢上前同你佢嘢，除咗白雪公主。

「爸爸，你聽日同唔同我去呀？」白雪公主向國王撒嬌。

國王難得露出笑容，「你自己去啦，記得玩得開心啲呀，知無？」

國王其實從心底裡都錫嘅個女兒，但每次見到佢，嗰件事都會浮上心頭。

經過咁長時間風流快活，國王心入面早就被寂寞填滿。

係風流嘅場合，難見真心。

真心，並唔係咁容易搵。

白雪公主望住離去嘅國王，年紀輕輕嘅公主感覺到國王背影嘅哀愁，但唔知點樣形容。

其實國王嘅背影係落寞嘅。

就算擁有一切，無咗心愛嘅人，嘢一切又有何意義？

係風流嘅背後，係一顆空虛嘅心。

飯後，陳紅叫咗一名少年，而嗰位少年就係當中指住白雪公主，話佢平胸嘅少年。

嗰位少年無死到，只係俾白雪公主監禁係城堡入面，好似囚犯咁過日子。

陳紅聽到嘅個事蹟之後，十分欣賞嘅位少年嘅勇氣，覺得佢可以完全任務。

「咩事呀？」少年十分串嘴咁同陳紅講嘢。

少年名叫許漢，日子已經過得夠苦，已經無咩好怕。

陳紅見此更是欣賞。

「喱種眼神，語氣，十足十年輕嘅我。」

「叫你嚟係想俾個任務你姐，你完成咗，你想要咩就有咩。」

許漢眼前一亮，然後半信半疑地問：「真係？」

陳紅向周邊嘅侍從打個眼色，侍從好識做咁幫許漢解開手扣。

「咁依家你信未？」陳紅好有自信地道。

陳紅嘅機靈醒目，使得佢由一無所有，爬到今時今日嘅地位。

「講！係咩任務。」許漢亦因此相信陳紅係個講信義嘅人。

「我要你聽日我哋去野餐嘅時候，捉走白雪公主，然後係森林入面殺咗佢！」

「哈哈！正合我意！」許漢一早想修理修理下嗰個平胸，公主病好嚴重嘅女人。

「咁就得啦！哈哈，我好鐘意你呀！唔好令我失望呀。」

「唔會，你放心。」

「你聽日係白雪公主一張開口要食野嘅時候，就落手，知無？」陳紅下命令。

「我到時候會洗走啲侍從，好令你落手。」

「知道！」許漢開始從心底尊敬陳紅，至少佢係有能力能叫人折服。

許漢嘅語氣態度都變得恭敬，同時佢都明白，陳紅唔好得罪。

當佢以為死路一條嘅時候，竟然又出現生機。

「如果我完成咗任務，可唔可以令我幾個兄弟恢復自由？」許漢份人好有義氣，喱種時候仍不忘受難緊嘅兄弟。

「等你完成咗，先再同我講啦。」陳紅語畢，就離去。

翌日，白雪公主盛裝打扮，一起身心情已經好雀躍，因為佢係第一次去野食。

對此幻想咗好耐，覺得感覺一定好好。

陳紅都打扮到好靚，為嘅就係慶祝嗰個美好時刻。

「白雪你得未呀？」陳紅露出好虛假嘅笑容。

單純嘅白雪公主睇唔出究竟，仲傻下傻下咁唔知咩事。

「得啦！」

白雪公主著咗件粉紅色連身裙，扎幾咗條孖辮，樣子十分可愛甜美。

佢哋坐住馬車，十分豪華咁出發。

傭人一大早就準備咗好多野食，而且跟住佢哋一齊去野餐。

佢哋嚟到遠離市區嘅草原度，周圍都係俾森林圍住。

許漢係森林入面準備緊，時機一到就會出手。

「幫我準備下啦你哋！」白雪公主命令女傭們。

雖然女傭心裡好不滿，但都照做，為嘅就係搵兩餐。

好多事情一開始嘅時候已經係唔公平架啦，改變唔到，唯有試著去接受。

「屌，乜你哋咁慢架？快手啲啦！本公主依家好燥呀！」

因為嚟到嗰度成日俾蚊叮，叮到佢周身唔舒服，啲蚊又係佢周圍煩嚟煩去。

本來白雪公主係帶住美好嘅心情嚟，剛到步幾秒，就後悔啦。

無人，又唔靚，又多蚊。

陳紅見狀，更加覺得佢下嗰個決定無錯，咁嘅性格遲早都會遭到毒手，依家佢只不過係替天行道姐。

佢哋草原嘅中央野餐，四圍都係花草樹木，雖然唔係話好壯觀，但其實好自然，俾人一種怡人，陶冶性情嘅氣氛。

一陣接著一陣嘅花香，實在係一種享受，淡淡嘅花香更是提高人嘅食欲。

偏偏白雪公主俾蚊叮到享受唔到，手臂上滿是蚊爛，東一忽西一忽咁，同佢平時白滑嘅皮膚形成一個明顯嘅對比。

「呀！！！！我想返去啦，好辛苦呀！」白雪公主忍唔到，大吼一聲。

「但係我哋啱啱先嚟咋嗰……」陳紅強裝溫柔，但心底已經受不了白雪公主嘅任性。

「快啲啦！快啲食完返去啦好無！？」白雪公主點都會俾面陳紅。

「真係好搵辛苦呀！」白雪公主成身都好痕，但越就越好痕，成身紅曬咁。

另一方面，陳紅都見到許漢準備緊，只要等多一兩分鐘，事情就會發生啦。

受盡氣嘅女傭們都快快手準備好野食，白雪公主等到好唔耐煩，拎起個三文治。

許漢見到自己期待已久嘅畫面已經出現了，舉上手上嘅馬鞭，一野打落馬屎忽上。

馬兒叫了一聲，便快速地向向前奔跑，目標向著白雪公主前進。

第三章

率先發現嘅係女傭們，佢哋立即大叫，然後四處逃跑，拉住陳紅往相反方向跑走。

但無人諗住拉走白雪公主。

只剩白雪公主呆呆地留係原地，怔了一怔，唔知應該點樣反應。

而許漢越來越近，白雪公主先知道驚，佢將手中嘅三文治向許漢嘅方向掙過去。

然後想起身跑，但一切已經太遲啦。

馬匹以極迅速嘅速度接近白雪公主，白雪公主都未嚟得切反應，就已經俾人捉走咗。

「呀！！！！救命呀！」白雪公主揭盡全力大嗌，希望有人可以救下佢。

白雪公主心諗：唔會無人救我嘅。

天真嘅佢抱著一絲絲希望，但佢放眼望去，所有人都無動於衷。

無人諗住追上嚟嘗試救走白雪公主。

有幾名女傭係堆食物度搵咗幾粒花生嚟食，一邊望住白雪公主，一邊食得津津有味。

「抵死啦仆街！」其中一名女傭講道。

「佢都有今日啦，忍得佢耐啦仆街！」其他人開始附和道。

其實佢哋都受咗唔少氣.....如果唔係為咗三餐溫飽，根本唔需要係度忍得咁辛苦。

「屌！以為自己有幾分姿色就係度耀武揚威！用力地將花生殼吐出嚟，「我呸！」

「佢根本就無當過我哋係人！」

白雪公主面如死灰，佢心中嘅一絲絲希望被撥熄咗，亦不再反抗，任由許漢帶佢去唔知嘅地方。

白雪公主依家諗緊點解女傭們唔救佢，點解可以見死不救？

就算佢之前對佢幾差，都唔應該見死不救呀？

到咗今時今日，你都唔覺得自己有咩錯，錯嘅係人哋。

『我係公主嚟架！點可以咁對我？』

當白雪公主係度思索緊嘅時候，許漢已經一手攞住白雪公主，然後將佢拋咗落地下，動作十分之粗魯而且大力。

「哇！」白雪公主還未嚟得切反應，就已經感到個屎忽好痛。

「細力啲洗死咩？」佢用盡全力先勉強起到身，佢由細到大從未受到咁嘅對待。

「小姐呀，你以為嚟喱度旅行呀？蠢鳩少陣啦你！睇清楚依家咩狀況先講嘢啦！」

白雪公主受咗唔少委屈，扁住個咀，係白雪公主心中，成個世界唔同曬，個腦好似天旋地轉咁。

好似發緊夢咁，但心好痛，好真實。

「嗚...嗚...嗚」終於都係忍唔住喊咗出嚟。

「收聲啦死八婆！你喊都無用架啦！」許漢跟住落馬，然後企係白雪公主面前。

白雪公主抬起頭望住許漢，一臉吃驚地進住佢，「你.....」

「係呀！係我話你平胸呀咁點呀？」許漢本來內心係善良嘅，少不更事嘅佢，卻因為白雪公主嘅橫蠻任性，令佢真正咁成大。

係城堡地下嘅囚牢入面不見天日，人如果太天真，係會食到惡果。

就好似眼前嘅白雪公主咁。

「你條仆街！」白雪公主破口大罵，本來心中嘅委屈全都轉為憤怒。

無比嘅憤怒。

淨係話佢平胸，都足以叫白雪公主同佢死過，更甚依家綁走佢？

佢有咁嘅下場，主要就係因為佢，如果佢唔出現就唔會搞到嘅田地。

佢消失，個惡夢就會消失。

白雪公主用全力向前揮拳，可惜每一下都俾許漢以敏捷嘅身手躲過。

「我屌你老母咩！？我有咩得罪你呀！？點解要咁樣對我？」

「明明係你話我平胸先架！」憤怒嘅眼神夾雜著委屈嘅淚水。

「咁你呢！？我只不過係講咗句真話，就要俾你係囚牢入面又打又餓咁？過住啲唔係人過嘅日子？」

「你有無試過啲啲嘅生活呀？八婆！」許漢怒目地瞪著白雪公主，佢個樣叫白雪公主感到恐怖。

「你唔話我平胸咪無事啦！我係屋企都無人敢咁樣話我架。」白雪公主不放棄地爭拗。

許漢放棄同佢講道理，同女人講道理姐係對牛彈琴。

「你再嚟我就賣你去做雞！」許漢忽發奇想，賣佢去做雞都得嘞，應該會有客人嘅。

白雪公主一臉受驚嘅樣子，許漢以為自己嘅恐嚇成功拋疾咗佢。

點知白雪公主嘅下一句好爆.....

「咩係做雞呀？」白雪公主一臉無知，從佢嘅樣子嚟睇，唔似係扮嘢。

許漢先是訝異，問道：「你真係唔知？」

「唔知呀。」白雪公主回答得十分爽快，更加令許漢深信。

許漢突然大笑上嚟，「哈哈哈哈哈！哈哈哈哈哈！哈哈哈哈哈！」

白雪公主從小就係溫室長大，係一朵經唔起風浪嘅小花。

對於世間嘅平常事，白雪公主唔清楚都係正常不錯，佢未曾踏足嚟個社會過，每天都活係童話嘅世界入面。

「遲下你就知咩係做雞架啦！！！」許漢淫淫一笑。

第四章

許漢壓根都對嗰件妹妹仔無興趣，一見到佢身材同男人無分別嘅身材，就無曬胃口。

拎去賣幾個錢都好，然後去風流快活就好啦。

但白雪公主都唔蠢得曬嘅，佢都感覺到即將發生啲唔好嘅事.....

「你想做咩呀？」

白雪公主下意識地退後。

許漢一步一步壓迫過嚟，對住白雪公主露出各式各樣嘅奸笑，「嘻嘻嘻嘻.....」

生平，白雪公主頭一次感受到害怕。

嗰一種驚，係對於接落嚟唔知會發生咩事而驚。

對未來感到恐懼，脫離咗自己嘅舒適區係會咁不安。

白雪公主終於體驗到，咁叫危險。

「做咩呀你？喊呀？」許漢嘅語氣帶點嘲諷。

許漢認為白雪公主唔抵可憐，佢係需要受啲教訓！

就好似佢之前咁。

未受過殘酷嘅生活，係唔會識得成長，如果無啲地獄嘅生活，佢應該都仲係好天真無邪。

許漢變咗，變得唔再天真。

「哈哈哈哈！依家時候仲嚟喊有用咩？」

「諗下點樣生存好過啦白痴！無人會救你，慢慢你就會大過架啦！」

白雪公主驚到喊係好自然嘅反應，同時佢因為接受唔到有咁嘅遭遇而崩潰。

一艘船如果習慣係無風無浪嘅環境下航行，當佢一遇上風浪，就會沉。

許漢上下咁打量白雪公主，「你.....你咁嘅身材呀，我咁咸濕都無興趣啦！」

許漢並不知道嗰一句說話對女仔嚟講，係幾咁hurt，好打擊白雪公主嘅自尊心。有咁嘅身材，佢都唔想架。

白雪公主對住許漢怒目而視，滿肚子都係怨氣。

「依家呢，帶你去雞竇之前就帶你去換件衫啦！無理由俾你著件粉紅色衫去嘅。」

「快！走！」許漢又試強行拉走白雪公主。

白雪公主今次無再反抗，反而好似接受咗命運咁。

面對住自己無辦法改變嘅情況，唯有試著去接受。

白雪公主狼狽咁爬上去馬匹度，雙眼無神，衣服都凌亂不堪，好難想像佢之前係一個身光頸靚嘅公主。

許漢往森林嘅深處走，相信穿過哩一個森林，就會見到城鎮。

茂密嘅森林裡散發著神秘嘅芳香，樹木有成40-50層樓高，就許許漢都不禁自問：「喱啲樹點生架？！成40幾層高。」

喱啲樹一定有好耐歷史。

樹與樹之間都密不透風，連一啲空間都無，陽光更加唔洗講，點樣左穿右插都插唔到入嚟。

左右兩旁嘅樹都好自然咁排成一線，形成一條馬路，供許漢佢行走。

係樹蔭下僅僅透出一丁點光線，感覺就好似就快入夜嘅時候，可以見到前面嘅光線唔多。

許漢憑感覺係樹林入面行走，佢哋都行咗好耐，但都未見到森林嘅盡頭。

佢暗暗覺得奇怪，點解好似行極都係同一個地方咁無咩點變？

許漢回頭望一望，後面嘅光景同前面嘅一模一樣。

加上極高嘅樹木俾佢哋一種詭異嘅感覺，打從心底寒起上嚟。

儘管許漢心有恐懼，但都唔想係白雪公主面前流露一分出嚟。

「喂...」許漢輕叫白雪公主一聲。

無回應。

「喂...」許漢暗暗覺得奇怪，頭先回望嘅時候白雪公主都好似無咩嘢咁。

許漢再望真啲，發覺白雪公主已經六神無主，行屍走肉咁款。

係哩個森林入面，更加睇唔到一絲希望。

不久處，許漢終於見到有間小屋，係森林嘅盡頭。因為條路嘅終於就係小屋，無第二條去路。

「屌，咁辛苦入到嚟，點知係無路走嘅！」

許漢計過啦，由喱度出返去再搵第二條路去城鎮都要一兩日時間，佢仲要返去同陳紅交差架。

許漢把心一橫，不如就賣俾喱戶人家？做個奴僕都OK。

喱間小屋十分之古老，小屋由木製成，啲木有好多裂縫，望落去殘殘舊舊咁。

許漢心中大喜，『係啦！俾喱個嬌生慣養嘅公主體驗下窮人嘅生活都好，嘻嘻。』

諗到咁，佢嘴角就向上翹，笑面迎接屋入面嘅人。

「有無人呀？」佢聲音有點因為興奮而抖震，敲一敲門。

過咗一陣，有人開門，一把低沈嘅聲音響起，「係？」

出嚟開門踭係好矮嘅男人。

留著一個油頭，唔係將頭髮都往後梳嘅油頭，而係蓬鬆，亂到好似雀巢咁，個頭油到反光。

臉上都係一撻撻嘅暗瘡印。

許漢同白雪公主見到都嚇一跳，因為佢哋第一次見到咁樣衰嘅人.....

不過兩個人嘅反應係唔一樣嘅，前者係好開心，後者係唔開心。

白雪公主終於有反應，唔再好似一舊木咁。

「喂！你真係諗住.....？」

「我唔想呀！我真係唔想係喱度生活...」白雪公主面容扭曲，本來已經認命嘅佢，勢估唔到會咁樣。

「求下你呀.....唔好掙低我呀...」不可一世嘅白雪公主，從未求過人。

今日係佢人生最大嘅轉變，一瞬間由天堂跌落地獄，連凡間都未曾掂過。

許漢見到咁，心生一點點憐憫，因為佢嘅求情而打動咗佢。

其實許漢係個好善良嘅人，只不過講嘢係直咗啲姐。

但當佢見到白雪公主一身粉紅色連身裙，打扮得十分之高氣，提醒咗許漢。

眼前喱位少女係不久之前係一名公主。

「求？我係你城堡入面求咗人哋幾多次放我出去，但結果呢？有無因為咁樣而理我呀？」

「喂喂喂！你哋想點架？！嚟運吉架？」幫手開門嘅毒撻見到唔耐煩。